

Te Reo Rangatira Kaupae 2

Te Pūrongo Aromatawai ā-Waho 2025



Te Marautanga o Aotearoa	Te Reo Rangatira
Te Rā Aromatawai	19 o Noema, 2025
Te Momo Aromatawai	He Whakamātautau Aromatawai ā-Waho
Ngā Paerewa Paetae	91777, 91778, 91780

Te Wāhanga 1: He Tirohanga Whānui

I ūpoko pakaru ngā ākonga ki te whakaputa whakaaro mō ngā pātai e toru ahakoa paku noa iho ngā taunakitanga. Te hunga taumata rau ki te eke panuku e mōhio ana ki te āhua o te wetewete i te kōrero, me te whakatakoto ki roto i ā rātau tuhinga.

Te Wāhanga 2: He kōrero mō te Paerewa

91777: Te whakarongo ki ngā tohunga reo

Te Aromatawai ā-Waho:

I whakarongo ngā ākonga ki ngā horopaki o te aromatawai hai arohaehae, hai whakamārama hoki i ngā tikanga peha, i ngā kōrero a te tohunga reo. He pānuitanga nā Rangi McGarvey 'Ngā iwi tōmua i a Ngāi Tūhoe'. Me nanakia te whakautu i tā te kaikōrero e whakapāoho ana. E toru ngā pātai o te aromatawai nei.

Te Tirohanga:

He aromatawai whakarongo e taea ai te kāhui whānui o ngā ākonga te whakautu. He tika hoki te taumata reo o te aromatawai hai arohaehae, hai whakamātau mā te ākonga. He pānuitanga nā Rangi McGarvey 'Ngā iwi tōmua i a Ngāi Tūhoe'. He mahinga whakarongo hai whakapātaritari i ngā pūkenga o tā te ākonga kapo i te whakapāohotanga.

Pūrongo Paerewa Paetae:

Ko ngā Ākonga i eke ki te **Kairangi** i te paerewa paetae nei:

- i koi rawa ngā whakautu, i whai take, whai hua, me te tuku mai o ngā tauira, o ngā kōrero taunaki hai whakanikoniko i te whakautu.
- ka kaha kite i āhua o tā te ākonga wetewete kōrero, ka whakatakotohia ki roto i āna tuhinga.

- i mārama ngā ākonga ki te whakatakoto kōrero e hāngai ana ki te whakapāohotanga i te tuhinga a Rangi McGarvey.

Ko ngā Ākonga i eke ki te **Kaiaka** i te paerewa paetae nei:

- i rawe ngā whakautu ki te taumata e tika ana. He kiko, he hua, he take ki ngā kōrero, engari kāre i kitea te rahi o te kōrero.
- he tino pai te whakatakinga o tāna whakautu, engari ka mahue te kiko o te whakautu ki te tīmatatanga.
- i whai atu ngā ākonga i te ia o te kōrero me te whai hua, whai take, heoi anō, nā runga i te iti, i te paku wāhanga e ngaro rānei, kua kore e eke ki runga.

Ko ngā Ākonga i eke ki te **Paetae** i te paerewa paetae nei:

- i kaha whakaputa noa iho i tana whakautu ki ngā pātai.
- kāre he taunakiatanga hai whakaweawe i tāna e whakautu nei.
- kīhai i tukua he tino whakaaro mō ngā pātai e toru.

Ko ngā Ākonga **Kāore i whiwhi** i te paerewa paetae nei:

- kīhai te ākonga i mārama ki te kōrero, ā, he paku noa iho tana whakautu.
- i kōrero mō kaupapa kē atu, me te mea, kai te rapu tonu te ākonga i te ngako o āna whakautu.
- he iti noa iho ngā kupu.

91779: Te pānui i ngā tuhinga tawhito

Te Aromatawai ā-Waho:

I pānuitia ngā ākonga te tuhinga kōrero 'TE WHAIKŌRERO A T.W. RĀTANA KI ĀNA MANUHIRI I TE PĀ O RĀTANA.' Ka mutu, ka whakautua ngā pātai e toru o te aromatawai e ngā ākonga.

Te Tirohanga:

He whakatairite i ngā kupu o te tuhinga, i ngā whakaaro o te kaikōrero e pānuihia ana e te ākonga ki tāna e mōhio, e ako ai rānei i ēnei rā. He whakaputa i ōna whakaaro mō te āhua o te wā i puta mai ai tēnei kōrero, me te pānui i te tuhinga tawhito e ai ki te hiahia a tēnei aromatawai. Kai te tipu mai ngā pūkenga whakamātautau, arohaehae kōrero, ahakoa te kaupapa o te tuhinga. Mā te ākonga e whakaatu mai i tōna mōhio ki te wetewete reo, ki te tātari tuhinga.

Pūrongo Paerewa Paetae:

Ko ngā Ākonga i eke ki te **Kairangi** i te paerewa paetae nei:

- he rawe te whakamārama i āna whakautu, e whakaatu mai i tōna mōhio ki te kaupapa, ki ngā kōrero tawhito hoki.
- i whakaatu mai te tuinga i te kounga o te wetewete kōrero, me te whakatairite whakaaro.
- ka pūrangiaho mai te ākonga ki tāna e wetewete, e whakautu mai nei. Kua tutuki katoa ngā hiahia a te aromatawai.

Ko ngā Ākonga i eke ki te **Kaiaka** i te paerewa paetae nei:

- i whānui te whakamārama o tāna i tuhi ai, e whakaatu mai i tōna mōhio ki ngā kōrero tawhito.
- i whakatairite i ngā kōrero, i ngā whakaaro tawhito o nōnamata ki ngā horopaki tika e hiahia ana e te aromatawai, engari, e ngaro tonu ana te kounga o tana whakautu.
- ka whakamārama i ōna whakaaro ki te kaupapa, me te wānanga i te kaupapa, engari kāre i rahi ngā kupu.

Ko ngā Ākonga i eke ki te **Paetae** i te paerewa paetae nei:

- i whakaraupapa mai i ōna whakaaro ki te pātai, me te whakahua i ngā take e kawea ana e te kaupapa.
- i ngana ki te whakautu i tā te aromatawai e hiahia ana, engari he poto noa iho ngā kupu, me te kore taunaki atu i ōna whakaaro.
- he pāpaku noa iho tana whakautu, me te iti noa o te whakaaro e whakautu mai ana.

Ko ngā Ākonga **Kāore i whiwhi** i te paerewa paetae nei:

- kīhai i whakautu tika i ngā pātai, he kōrero mō kaupapa kē atu.
- e tohu ana te whakautu, kua kore te ākonga e mārama ki te pātai.
- he iti noa iho ngā kupu.

91780: Te tuhi kōrero whakaae rānei, whakahē rānei

Te Aromatawai ā-Waho:

He tuhinga whakaae, whakahē rānei te mahi hai whakatutuki mā ngā ākonga. Kia 200 ki te 300 ngā kupu o te tuhinga, me reo Māori hoki te reo tuhi.

Ko ngā kaupapa:

1. Ki te whakamahi tātou i tō tātou mana motuhake me noho tūhāhā ngā iwi Māori i Aotearoa whānui!
2. Pai ake te whaikōrero a te tāne kōrero Pākehā i te whaikōrero a te wahine kōrero Māori.
3. Ki te ārahi te tangata i tōna iwi, me whakapakeke a ia i tōna rohe.

Te Tirohanga:

He tuhinga whakaae, whakahē rānei te kaupapa o tēnei aromatawai. Ka kōhiti te ākonga i te kaupapa kotahi anake, māna e tautohe i tāna i whakatau ai. Ka whakaraupapahia ōna whakaaro me tōna mōhio ki te kaupapa kua tīpako e ia.

Pūrongo Paerewa Paetae:

Ko ngā Ākonga i eke ki te **Kairangi** i te paerewa paetae nei:

- i whai take, i whai hua hoki te ākonga ki tōna kaupapa.
- i kaha whakaatu mai te ākonga i tōna mārama ki te kaupapa i tīpakohia e ia.
- i mārohirohi te wetewete o te reo, me te nanakia hoki o te whakaraupapa whakaaro.

Ko ngā Ākonga i eke ki te **Kaiaka** i te paerewa paetae nei:

- i hua mai ngā whakaaro pai me te pai hoki o te whakaraupapa whakaaro, engari, he iti noa ngā kupu.
- i puta he whakaaro hai taunaki atu ki tāna e whakautua mai, engari i pērā rawa te rētōtanga o te whakaraupapa kaupapa ki tā te hōhonutanga o te kairangi
- i kitea te māramatanga o te ākonga ki te kaupapa, engari, kāore e rere noa mai i te tīmatatanga tae noa ki te mutunga, ka paku whati te ākonga i ētahi wāhanga.

Ko ngā Ākonga i eke ki te **Paetae** i te paerewa paetae nei:

- i kaha ngā ākonga ki te whakaputa whakaaro.
- he rehurehu te titiro mēnā i whakaae, i whakahē rānei te ākonga ki te kaupapa i whiriwhiria e ia.
- kāre te ākonga i ū rawa ki te ngako o tana kōrero.

Ko ngā Ākonga **Kāore i whiwhi** i te paerewa paetae nei:

- kāre te ākonga i tino tuku atu he whakaaro ki te kaupapa.
- karekau he kōrero hai taunaki atu i tōna whakatau kaupapa.
- i pohepohe te kite mēnā i whakaae, i whakahē rānei ki te kaupapa.

